

Rapport dalla cumischung da gestiun davart igl rendachint 2025

Tenor la constituziun digl cumegn da Surses ò la cumischung da gestiun (CdG) l'incumbensa d'examinar la gestiun e la contabilitad digl cumegn. La controlla dalla contabilitad, pero, è delegada per gronda part agl post da revisiun.

Per examinar la gestiun ò la CdG invista aint igls protocols e peglia ancunter annunztgas da votantas e votants. Las constataziuns vignan discutadas quatter gedas ad onn internamaintg cun definir maseiras. La gronda part dallas constataziuns è da nateira subordinada e percheigl sa scontra la CdG dus gedas ad onn cun la suprastanza communal, discutescha chellas constataziuns e pretenda, schi fò basigns, en migliuramaint. Schi sa tracta d'ena constataziun gravanta, vign la CdG ad infurmar directamaintg la radunanza communal.

Er igl onn passo è la CdG sa scuntrada cun la suprastanza communal ed ò tematiso diversas constataziuns. La CdG constatescha tgi las objecziuns vignan acceptadas dalla suprastanza e per gronda part realisadas.

Scu gio communitgia a caschung dalla radunanza communal digls 15 da december 2025 ègl do aint igl decurs dalla stad 2025 differenzas pi grondas agl intern dalla suprastanza e tranter la direcziun e la suprastanza. En accumpognamaint professiunal dalla suprastanza è nia dumando dalla CdG. Cun chel sustign è la situaziun sa calmada spertamaintg puspe. Supplementarmaintg ò la CdG mano discurs individuals cun tot igls commembers dalla suprastanza e dalla direcziun. Igls resultats èn ancunaschaints agls dus gremis e vignan realisos pass per pass.

Igl rendachint 2025 è nia controllo digl post da revisiun Curia SA. Aint igl rapport conferma igl post da revisiun tg'igl rendachint corresponda allas prescripziuns legalas e recumonda d'approvar igl rendachint.

Alla basa digl rapport digl post da revisiun e dallas controllas da gestiun exequeidas recumonda la CdG alla radunanza communal d'approvar igl rendachint e da discarger las persungas responsablas.

La cumischung da gestiun angraztga alla suprastanza communal ed a tottas persungas responsablas per la lavour ed igl plaschevel rendachint 2025.

Tinizong, igls 26 da matg 2026

La cumischung da gestiun:



Lothar Künzli, parsoura



Armano Janett, commember



Albino Sterli, commember